



《續修四庫全書》編纂委員會編

續修四庫全書

上海古籍出版社

一三七・經部・春秋類

春秋傳注三十六卷提綱一卷(卷一至卷十七) (清)嚴啓隆撰

2682/07

春秋傳注

〔清〕嚴啓隆 撰

據北京圖書館藏清康熙四十七年朱彝尊家抄本影印原書字
芯高二〇一毫米寬二七四毫米

春秋傳注三十六卷烏程孫學生

嚴啓隆爾菴著爾菴甲申後進

名在後社

跡自稱山巔幹子始為是書示字從以胡氏為

非而不放盡改其謬錢為書受之遺

之書勤其改作此編成庶幾起膏肓而


鍼瘡疾矣康熙戊子二月竹垞老人抄

續修四庫全書 經部 春秋類

袁田書



書



虞山老經生蒙叟錢謙益謹奉書于
開止徵君嚴先生門下僕家世授春
秋兒時習胡傳麤通句讀則已多所
擬議而未敢明言長而深究原委知
其爲經筵進講箴砭國論之書 國
初與張洽傳竝行已而獨行胡氏者

書一

則以其尊周攘夷發抒華夏之氣用
以幹持世運鋪張金元已來驅除掃
犁之局而非以爲經義當如是也竊
謂左丘明親受經于仲尼公穀皆子
夏之門人以宗法言之左氏則宗子
也公穀則別子之子也漢世公羊盛
行左氏後出立于劉釋于杜至孔氏

而始備迨于有唐之世學者鑿空好
新咸欲舍傳以求經于是入主出奴
三傳皆茫無質的而春秋之大義益
晦元季有黃澤楚望者獨知宗左氏
以通經以其說授之于東山趙汴東
山屬辭諸書殆高出宋元諸儒之上
而惜其所謂集傳者猶為未成之書

書二

擇焉而未詳也 本朝富順熊過有
春秋明志錄援据該博而於彭山季
氏杜撰不根之說亦有取焉則亦好
新說之過也私心不自量謂當以聖
經為經左氏為緯採集服杜已後訖
于黃趙之疏解疏通畫一訂為一書
而盡掃施丐盧仝高閣三傳之臆說

庶幾春秋一經不至為郢書燕說疑
誤千載日月逾邁舊學荒落憤悶遺
忘不復省記蓋二十年于此矣荒邨
臥病冒絮蒙頭門下忽以春秋大聲
擲示忽漫開卷頭目岑岑然俄而目
光迸發心華怒生如向所失物取次
得之記憶宛然口不能喻唯有歡喜

書三

踴躍而已書之大指在乎据傳以通
經据經以訂傳其于文定傳義發凡
起例條析理解如秦越人之診病洞
見其臟腑癥結攻伐療治瞭如指掌
雖有二豎子不能逃之于膏之上旨
之下也今略撮其要義如曰春秋之
託始以魯隱之見弑而始其終以請

討陳恒而終又曰文公以前政在諸
侯文公以後政在大夫二百四十二
年間但有大夫弑諸侯不聞諸侯弑
天子經為大夫作不為諸侯作也又
曰齊桓既霸諸國無一人敢弑君者
齊桓殺哀姜之威所攝也楚莊既伯
二十餘年之內海內無弑君之患楚

書四

莊殺微舒之威所攝也大夫之惡莫
大于趙盾聖人所取無急于楚莊此
春秋大關目炳如日星古今未嘗標
舉者也謂隱桓二十年間外事皆以
鄭莊為綱魯隱半生全被鄭莊播弄
此老吏斷獄案問得其主名無可解
免者也謂盟會城築無皆譏之例謂

母弟稱弟史家恒詞齊年鄭語初無
貶例此如良吏平反盡洗酷吏故入
文致之案深文者亦無所置其喙也
此書雖專攻胡氏如古人所謂箴膏
肓起廢疾者覈其實則根據左氏貫
穿全經胡氏弃灰之璫法一切平亭
而諸儒墨守之疑城一往摧倒斯則

書五

尼父之功臣非獨康侯之諍友也非
門下具千古心開千古眼不能信手
開闢發此快論然非僕老眼無華似
亦不能作此賞識也所最可惜者本
是通經著述之書却言為舉業而作
先之以標題舉業繼之以別論經義
先號後笑曲終奏雅高明之士一見